



Broj:01-16-3-2056/18
Konjic, 21.06.2018 godine

Na osnovu člana 17. Zakona o javnim nabavkama ("Službeni glasnik BiH" broj: 39/14), člana 38. Statuta Općine Konjic ("Službeni glasnik Općine Konjic " broj:11/07), a u skladu sa Bužetom Općine Konjic za 2018. godinu ("Službeni glasnik Općine Konjic ", broj: 02/18), Odlukom o izvršenju budžeta Općine Konjic za 2018. godinu ("Službeni glasnik Općine Konjic", broj: 02/18) na prijedlog Službi, općinski Načelnik donosi:

ODLUKU

o utvrđivanju Plana nabavki Općine Konjic za 2018.godinu

I

Općina Konjic, kao Ugovorni organ iz člana 4. Zakona o javnim nabavkama, utvrđuje stvarne potrebe za nabavku radova, roba i usluga u kalendarskoj 2018.godini. U skladu sa Budžetom za 2018.godinu, a sa ciljem osiguranja svega što je potrebno za djelokrug rada Ugovornog organa, donosi se Plan nabavke, koji sadrži podatke o predmetu nabavke, procijenjenu vrijednost nabavke bez PDV-a, oznaku CPV koda (za nabavke koje su vrše potpuno isplanirane), planiranim sredstvima u budžetu, vrsti postupka, planiranom početku i završetku postupka, načinu ugovaranja (ugovor ili okvirni sporazum) i vremenu zaključenja istog.

II

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da dopuni Plan nabavki, kao da i izmjeni Plan nabavki (promjeni vrstu postupka i procijenjenu vrijednost nabavke i sl.) na temelju obrazloženja zasnovanog na ekonomskim i drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl. kao i u slučaju pristizanja grant ili donatorskih sredstava u budžet.

III

Za sve nabavke predviđene Planom nabavke obavezno je donošenje odluke o pokretanju postupka nabavke u formi i sadržaju u skladu sa elanom 18. Zakona o javnim nabavkama. Sredstva predviđena za neplanirane nabavke mogu se koristiti takode i na temelju pojedinačne odluke koja se zasniva na obrazloženom zahtjevu o mogućnosti i utemeljenosti nabavke koja se nije mogla predvidjeti u vrijeme donošenja Plana nabavki (npr.u slučaju dobijanja sredstava od viših nivoa vlasti kao i u nekim drugim slučajevima), u slučaju ovakve situacije ugovorni organ zadržava pravo da naknadno izvrši dopunu Plana javnih nabavki.

IV

Ugovorni organ zadržava pravo da Plan nabavki dopuni sa nabavkama koje se finansiraju iz kapitalnog dijela budžeta po usvajanju Plana kapitalnih investicija od strane Općinskog Vijeća

V

Plan nabavki objavit će se na web stranici Ugovornog organa, www.opcinakonjic.ba po potpisivanju Odluke o utvrđivanju Plana javnih nabavki za 2018.godinu.

VI

Plan nabavki za 2018.godinu (Plan u tabeli) je prilog ove Odluke i čini njen sastavni dio.

VII

Ova Odluka se objavljuje u "Službenom glasniku općine Konjic" a primjenjuje se od 21.06.2018.godine.

DOSTAVLJENO:

1. Službe općine Konjic od 1-7,
2. Web stranica općine Konjic (elektronski),
ecc.
3. Službeni glasnik općine Konjic,
4. Arhiva.

NAČELNIK

Emir Bubalo, dipl.